



Inissianik attartortitsisarneq pillugu Inatsisartut peqqussutaata allanngortinneqarnera pillugu Inatsisartut inatsisaat Nr. xx, xx. xxx 2021-meersoq.

Siullermeerneqarnera

Siullermik saqqummiisumut qujanaq Inatsisartut aalajangiiffigisassaattut siunnersuummut.

Qaammatip naanerani aningaaseriviit ulloq kingulleq ammasarfiini ineqarnermut akiliutit akilerneqartassasut, Naleqqamiit akuersaarneqarsinnaanngilaq. Inuit pissakinnerusut amerlangaatsiarput ullunullu 14-nut akissarsiallit amerlanerpaajullutik, taakkuupput inuuniarnermikkut ilungersuuteqaqisut inuussutissanik allarpaassuarnillu akilersuiniartuusut.

Siunnersuutit pingaaruteqarluinnartut aammalu inunnt najugaqartunut sunniuteqangaatsiartartut qaqilerpatit. Naleqqamiit naammaginngilluinnarlugit ilaatigut sakkortulaarsinnaasumik saqqummiuttaartuarpagut inissiat attartortittakkat ullutsinnut naleqqukkunnaartut aammalu najugaqartut peqqissusaannut naapertuutinnngilluinnartut piaarnerpaamik qanoq iliuseqarfiginissaat. Inissiat nutaanngilisut akimikkut ullutsinnut naleqqukkunnaarsimasut aammalu nuuffigineqarneranni aaqqitassat amerlavallaat aaqqinneqaqqaaratik inuttalerneqaqqiinnartartut. Politikkikkut piumassuseqarnerusariaqalerpugut inissiat pitsaassusaat qaffasissumiitsilernissaat taamatullu inuit akilersinnaasaannik aaqqissuusseqqinnissaq pisariaqarluinnarpoq.

Najugarisaaq oqoqartoq tipeqaannanngilaq, kisiannili aamma inunnt peqqinnanngilluinnartuuvoq ulorianarlunilu, inunnt peqqissutimut innarliisinnaammata annertuumik peqqiilliutaalersumik aaqeqqissinnaanngitsumik.

Atuisut attartortut illersugaanerulernissaat aammalu pisinnaatitaaffeqarnerulernissaat Naleqqamiit tapersersortaragaagut.

Pisortat inissiaatileqatigiiffiisa attartunngortussanut inissiamik neqeroornermini inissiaq neqeroorutitik ukiut tallimat kingulliit iluanni oqummik ajornartorsiuteqartoq paasineqaraangat

nalunaartalernissaanik pisussaaffilernissat pillugu Naalakkersuisut peqquneqarnissaanik Inatsisartut aaliangiiffigissaattut siunnersuut Naleqqammiit tamakkiisumik tapersorsorparput.

Attartortut suliffimmut atatillugu inissaminnik tunineqarnerminni inissiami ukiut tallimat kinngulliit iluanni oqummik ajornatorsiuteqartoq paasineqarsimagaangat attartortut inissiamik allamik tunineqarnissaminnik annaasaqaratik naaggaarsinnaalernissaanik Naalakkersusiut suliaqarnissaannik peqquneqarnissaat pillugu Inatsisartut aaliangiiffigissaattut siunnersuut tamakkiisumik tapersorsorparput Naleqqamiit.

Naleqqamiit isumaqarpugut taamatut nalunaarsuisalernerit atuutilerneranni kikkut tamarmik pisinnaatitaqarfeqalertariaqartut atorfilittaannaanngitsunut inigisamut oqoqartumut naaggaartoqarsinnaasariaqarpoq.

Atuisut attartortut pisinnaatitaaffigisariaqarpaat ilumut illu oqoqarnikuusimanersoq qanorlu aaqqiiffigineqarsimanersoq paasitinneqarssamik.

Taamatut Naleqqamiit oqaaseqaateqarluta siunnersuut tamakkiisumik tapersorsorlutigu Sanaartornermut ataatsimiititaliami sukumiisumik suliarineqarnissaat innersuussutigaarput.